

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Депутатгъясӧс, меставывса асвескӧдлан бӧрйӧм органӧ пырысьясӧс, меставывса асвескӧдлан бӧрйӧм чина йӧзӧс, кодъяс пӧртӧны олӧмӧ ассыныс уджмогъяссӧ пыр подув вылын, пенсияӧн могмӧдӧм йылысь» Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2021 вося косму тӧлысь 29 лунӧ

1 статья. Пыртны «Депутатгъясӧс, меставывса асвескӧдлан бӧрйӧм органӧ пырысьясӧс, меставывса асвескӧдлан бӧрйӧм чина йӧзӧс, кодъяс пӧртӧны олӧмӧ ассыныс уджмогъяссӧ пыр подув вылын, пенсияӧн могмӧдӧм йылысь» Коми Республикаса Оланпасӧ (Коми Республикаса канму власьт органгъяслӧн индӧд-тшӧктӧмъяс, 2008, 4 №, 124 ст.; 2009, 17 №, 286 ст.; 2010, 10 №, 191 ст.; 37 №, 855 ст.; 2011, 55 №, 1672 ст.; 2013, 32 №, 589 ст.; 2014, 35 №, 723 ст.; 2016, 1 №, 7 ст.; 10 №, 120 ст.; 21 №, 317 ст.; 2017, 27 №, 488 ст.; 2018, 19 №, 348 ст.; 2019, 21 №, 315 ст.; 2021, 3 №, 47 ст.) татшӧм вежсьӧмъяс:

1. 1 статьяын:

1) 1 юкӧн гижны тадзи:

«1. Муниципальной чинын уджавлӧм мортлӧн, кодӧс мездӧма чинысь уджмогъяс дугӧдӧмкӧд йитӧдын (уджмогъяс дугӧдан случайяс сэтшӧм подувъяс серти, кутшӧмъясӧс урчитӧма «Россия Федерацияын меставывса асвескӧдлӧм котыртан ӧтувъя принципгъяс йылысь» Федеральной оланпасын 35 статьялӧн 16 юкӧнса сизимӧд абзацӧн, 36 статьялӧн 6 юкӧнса 2¹, 3, 6 – 9 пунктгъясӧн, 6¹ юкӧнӧн, 7¹ юкӧнӧн, 40 статьялӧн 10 юкӧнса 5 – 8 пунктгъясӧн, 10¹ юкӧнӧн, 73 статьяса 1 да 2 юкӧнгъясӧн, а сіджӧ федеральной оланпастэчасӧн урчитӧм мукӧд подув серти мыжа вӧчӧмторгъяссысь уджмогъяс дугӧдан случайяс кындзи), эм инӧд уна во чӧж уджалӧмысь пенсия вылӧ сӧк, кор сійӧ уджалӧма Коми Республикаын меставывса асвескӧдлан органын муниципальной чинын нӧль воысь абу этшаджык, да сӧк, кор эм муниципальной службаын стаж, кутшӧмӧс арталӧма тайӧ Оланпаслӧн 2 статья серти:

1) 10 воысь этшаджык – мортӧн водзджык уджалан чин серти кык тӧлысья чина оклад мындаын;

2) 10 восянь бӧргъясӧ пыртӧмӧн 15 воӧдз – мортӧн водзджык уджалан чин серти куим тӧлысья чина оклад мындаын;

3) 15 во бӧргъясӧ пыртӧмӧн да дырджык – мортӧн водзджык уджалан чин серти нӧль тӧлысья чина оклад мындаын.»;

2) содтыны татшӧм сюрӧса 1¹ да 1² юкӧнгъяс:

«1¹. Муниципальной чинын уджавлӧм мортлӧн, кодӧс мездӧма чинысь уджмогъяс кадъяс водз дугӧдӧмкӧд йитӧдын сӧк, кор

муниципальной юкӧнсӧ выль пӧв котыртӧма, мый збыльмӧдӧма «Россия Федерацияын меставывса асвеськӧдлӧм котыртан ӧтувья принципьяс йылысь» Федеральной оланпаслӧн 13 статьяса 3, 3¹⁻¹, 3², 3³, 4 – 6², 7 – 7² юкӧнъяс серти, эм инӧд уна во чӧж уджалӧмысь пенсия вылӧ сӧк, кор сійӧ уджалӧма Коми Республикаын меставывса асвеськӧдлан органын муниципальной чинын ӧти воысь абу этшаджык, да сӧк, кор эм муниципальной службаын стаж, кутшӧмӧс арталӧма тайӧ Оланпаслӧн 2 статья серти:

1) 10 воысь этшаджык – мортӧн водзджык уджалан чин серти ӧти тӧлысья чина оклад мындаын;

2) 10 восянь бӧрьясӧ пыртӧмӧн 15 воӧдз – мортӧн водзджык уджалан чин серти куим тӧлысья чина оклад мындаын;

3) 15 во бӧрьясӧ пыртӧмӧн да дырджык – мортӧн водзджык уджалан чин серти нель тӧлысья чина оклад мындаын.

1². Тайӧ статьяса 1 да 1¹ юкӧнъясын индӧм муниципальной чинъясын уджавлӧм йӧзлӧн (водзӧ – муниципальной чинын уджавлӧм морт) уна во чӧж уджалӧмысь пенсиялӧн медыджыд мындаыс оз вермы вевтыртны мортлысь, кодӧ уджалӧма Коми Республикаса канму чинын – Коми Республикаса министр, уна во чӧж уджалӧмысь пенсиялысь медыджыд мындасӧ.».

2. 6 статьяын:

1) 2 юкӧнӧ содтыны «тайӧ статьяса 5 юкӧнӧн урчитӧм случайяс кындзи» кывъяс;

2) содтыны татшӧм сюрӧса 5 юкӧн:

«5. Тайӧ Оланпасын 1 статьялӧн 1¹ юкӧнса положениеясыс паськалӧны йӧз вылӧ, кодъяс дугдасны пӧртны олӧмӧ уджмогъяссӧ Коми Республикаын бӧрйӧм муниципальной чин серти 2022 вося тӧвшӧр тӧлысь 1 лун бӧрын.».

2 статья. Тайӧ Оланпасыс вынсялӧ 2022 вося тӧвшӧр тӧлысь 1 лунсянь.

Коми Республикаса Юралысь

В.В. Уйба

Сыктывкар

2021 вося косму тӧлысь 30 лун

29-РЗ №